



REPUBLIKA E SHQIPËRISË  
KOMISIONERI PËR TË DREJTËN E INFORMIMIT DHE MBROJTJEN E TË  
DHËNAVE PERSONALE

Nr. 453 Prot.

Tiranë, më 10 / 3 /2017

VENDIM

Nr. 47, datë 10 / 3 /2017

Në mbështetje të nenit 23 të Kushtetutës së Republikës së Shqipërisë, pikës 3 dhe 5 të nenit 24, të ligjit nr. 119/2014 "Për të drejtën e informimit", shkronjës a) të nenit 31/1 të ligjit nr. 9887 datë 10.03.2008 "Për mbrojtjen e të dhënave personale" i ndryshuar, Komisioneri për të Drejtën e Informimit dhe Mbrojtjen e të Dhënave Personale,

V Ë R E N:

Ankuesi, Qendra "Res Publica", përfaqësuar nga Av. \_\_\_\_\_, në cilësinë e Drejtorit Ekzekutiv, ka depozituar pranë Zyrës së Komisionerit për të Drejtën e Informimit dhe Mbrojtjen e të Dhënave Personale (në vijim quajtur "Komisioneri") ankesën nr.1289 Prot., datë 17.11.2016, ndaj Autoritetit Publik "Drejtoria e Policisë së Shtetit/Drejtoria Rajonale e Kufirit dhe Migracionit (në vijim quajtur "Autoriteti Publik"), me objekt "*Ankim ndaj refuzimit për dhënie informacioni dhe kopje të dokumenteve zyrtare*".

Ankuesi, me shkresat e datës 12.10.2016 ka depozituar pranë Autoritetit Publik kërkesën për informacion dhe dokumentacionin si më poshtë:

*Në lidhje me shkresën nr.120/16prot:*

1. *Cilat janë shërbimet që autoriteti publik i jep publikut, përfshirë dhe standartet për cilësinë e shërbimit;*
2. *Një përshkrim të thjeshtë të sistemit që përdor autoriteti publik për mbajtjen e dokumentacionit, të llojeve, formave të dokumenteve, si dhe të kategorive të informacionit që bëhet publik pa kërkesë;*
3. *Cilat janë mekanizmat apo procedura, përmes së cilës personat e interesuar mund të paraqesin mendimet e tyre apo të ndikojnë në çfarëdo mënyre tjetër në hartimin e ligjeve, të politikave publike apo ushtrimin e funksioneve të autoritetit publik;*
4. *Një përshkrim të kategorive dhe formave të ndihmës shoqërore, subvencioneve të dhëna nga autoriteti publik dhe të procedurave për t'i përfituar ato;*
5. *Të dhëna për vendndodhjen e zyrave të autoritetit publik, orarin e punës, emrin dhe kontaktet e koordinatorit për të drejtën e informimit.*

*Në lidhje me shkresën nr.121/16prot:*

1. *Kopje të strukturës organizative;*
2. *Të dhëna për arsimin, kualifikimet dhe pagat e funksionarëve, të cilët kanë detyrimin për deklarimin e pasurisë sipas ligjit;*
3. *Kopje të strukturave të pagave për nëpunësit e tjerë;*
4. *Kopje të Rregullores së Brendshme të institucionit.*

*Në lidhje me shkresën nr.122/16prot:*

1. *Kopje të planeve strategjike të punës;*
2. *Kopje të buxhetit për vitin 2015-2016;*
3. *Kopje të planit të shpenzimeve për vitin financiar në vijim dhe për vitet e kaluara për periudhën 2014-2016;*
4. *Kopje të dokumenteve që përmbajnë tregues të performancës së autoritetit.*



5. Cilat janë mekanizmat monitorues dhe të kontrollit që veprojnë mbi autoritetin publik;
6. Kopje të raporteve të auditimit nga Kontrolli i Lartë i Shtetit ose nga subjekte të tjera;
7. Informacion për procedurat e prokurimit apo procedurat konkurruese të koncesionit/partneritetit publik privat, që kryhen për llogari të autoritetit publik, duke përfshirë: listën e kontratave të lidhura; shumën e kontraktuar; palët kontraktuese dhe përshkrimin e shërbimeve apo mallrave të kontraktuara;
8. Cilat janë mekanizmat për zbatimin dhe monitorimin e kontratave, si dhe udhëzues e politika të ndryshme.

*Në lidhje me shkresën nr.123/16prot:*

1. Sa është numri i kërkesave dhe përgjigjeve që i janë bërë autoritetit publik në kuadër të ligjit për të drejtën e informimit për vitin 2016 duke vendosur në dispozicion një kopje të të gjitha përgjigjeve që i është dhënë subjektit kërkuar;
2. Cilat janë informacionet dhe dokumentet që kërkohen më shpesh në institucionin tuaj.

Autoriteti Publik i është përgjigjur kërkuarit me shkresën nr.1842/1 Prot., datë 26.10.2016 duke i rekomanduar që t'i drejtohet Drejtorisë së Policisë së Shtetit si autoriteti kompetent për dhënien e informacionit.

Me pretendimin se është cënuar në të drejtën për informim, ankuesi ka paraqitur ankimin nr. 1289 datë 17.11.2016 pranë Komisionerit duke i kërkuar ushtrimin e kompetencave që i njeh ligji për rastet e refuzimit të dhënies së informacionit si dhe urdhërimin e Autoritetit Publik për dhënien e informacionit/dokumentacionit të kërkuar.

Komisioneri, në ndjekje të procedurës për shqyrtimin administrativ të çështjes, me shkresën nr.1289/1 Prot, datë 24.11.2016, si hap paraprak përpara marrjes së vendimit, i ka kërkuar Drejtorisë së Policisë së Shtetit të cilësuar Autoritet Publik sipas Udhëzuesit të miratuar me Urdhrin nr. 141 datë 20.05.2016, përmbushjen e detyrimit për dhënie informacioni brenda datës 02.12.2016.

Me shkresën 7880/1 Prot., datë 02.12.2016 Autoriteti Publik është përgjigjur duke vendosur në dispozicion të kërkuarit vetëm informacionin e kërkuar sipas shkresës 121/16.

Nga administrimi i provave, rezulton se informacioni i dhënë është i pjesshëm dhe se nuk është vendosur në dispozicion të kërkuarit dokumentacioni si më poshtë:

*Në lidhje me shkresën nr. 120/16prot:*

1. Cilat janë shërbimet që autoriteti publik i jep publikut, përfshirë dhe standartet për cilësinë e shërbimit;
2. Një përshkrim të thjeshtë të sistemit që përdor autoriteti publik për mbajtjen e dokumentacionit, të llojeve, formave të dokumenteve, si dhe të kategorive të informacionit që bëhet publik pa kërkesë;
3. Cilat janë mekanizmat apo procedurat, përmes së cilës personat e interesuar mund të paraqesin mendimet e tyre apo të ndikojnë në çfarëdo mënyre tjetër në hartimin e ligjeve, të politikave publike apo ushtrimin e funksioneve të autoritetit publik;
4. Një përshkrim të kategorive dhe formave të ndihmës shoqërore, subvencioneve të dhëna nga autoriteti publik dhe të procedurave për t'i përfutuar ato;

*Në lidhje me shkresën nr. 122/16prot:*

1. Kopje të buxhetit për vitin 2015-2016;
2. Kopje të planit të shpenzimeve për vitin financiar në vijim dhe për vitet e kaluara për periudhën 2014-2016;
3. Cilat janë mekanizmat monitorues dhe të kontrollit që veprojnë mbi autoritetin publik;



4. Kopje të raporteve të auditimit nga Kontrolli i Lartë i Shtetit ose nga subjekte të tjera; Informacion për procedurat e prokurimit apo procedurat konkurruese të koncesionit/partneritetit publik privat, që kryhen për llogari të autoritetit publik, duke përfshirë: listën e kontratave të lidhura; shumën e kontraktuar; palët kontraktuese dhe përshkrimin e shërbimeve apo mallrave të kontraktuara;

Në lidhje me shkresën nr. 123/16prot:

1. Sa është numri i kërkesave dhe përgjigjeve që i janë bërë autoritetit publik në kuadër të ligjit për të drejtën e informimit për vitin 2016 duke vendosur në dispozicion një kopje të të gjitha përgjigjeve që i është dhënë subjektit kërkuar;
2. Cilat janë informacionet dhe dokumentat që kërkohen më shpesh në institucionin tuaj"

Theksojmë se informacioni i kërkuar bën pjesë në atë kategori informacioni që sipas nenit 7 të Ligjit nr. 119/2014 "Për të drejtën e informimit" duhet të bëhet publik pa kërkesë.

Për sa më lart, në lidhje me ankimin e Qendrës "Res Publica" ndaj Autoritetit Publik, Komisioneri vlerëson se ankimi është i bazuar në ligj dhe si i tillë ai duhet pranuar.

### PËR KËTO ARSYE

Bazuar në shkronjat b) dhe ç) të pikës 5 të nenit 24, nenit 25 të ligjit nr.119/2014 'Për të drejtën e informimit', shkronjën a) të pikës 1 të nenit 18 të ligjit nr 49/2012 'Për organizimin dhe funksionimin e gjykatave administrative dhe gjykimin e mosmarrëveshjeve administrative',

### V E N D O S A:

1. Pranimin e ankimit të Qendrës "Res Publica", Nr. 1289 Prot., datë 17.11.2016, kundër Autoritetit Publik "Drejtoria e Policisë së Shtetit/Drejtoria Rajonale e Kufirit dhe Migracionit", me objekt "Ankim ndaj refuzimit për dhënie informacioni dhe kopje të dokumenteve zyrtare".
2. Urdhërimin e Autoritetit Publik "Drejtoria e Policisë së Shtetit/Drejtoria Rajonale e Kufirit dhe Migracionit, për vënien në dispozicion të dokumentacionit të kërkuar (shkresa nr. 120/16 Prot., pika 1, 2, 3 dhe 4; shkresa nr. 122/16 Prot., pika 2, 3, 5, 6 dhe 7, shkresa nr. 133/16 Prot., pika 1 dhe 2, datë 12.10.2016), brenda datës 17. 3.2017.
3. Kundër këtij vendimi palët kanë të drejtën e ankimit në Gjykatën Administrative Tiranë, brenda 45 ditëve nga marrja dijeni e këtij vendimi.
4. Ky vendim u dha sot në datë 10. 3.2017.

